

## Mpo na botelemisi misala mya botongi balabala « la Paix » Botombwami bwa komine ya Kinseso nde bozali o ntaka ya mikolo miye te

Le désenclavement de Kinseso prend du retard  
Travaux en suspend sur la route de la Paix à Kinseso: A qui la faute?

« Bodzangi bwa ba balabala, komine ya Kinseso nde eyingisi ata likuta lyoko te o libenga lya lyango ». Komine ya Kinseso ezwami o likolo lya ngomba o sudzi-esti ya engumba Kisasa. O mabwaku ma ngomba ena, ezali na mabenga manene maye makosalaka 'te boko ba quartiers bya komine ena bidzindaka na mai ma mbula. Epai esusu, ezalaka mpe mwa mpasi mpo na mituka mikoka koyingela o ntezi ya komine ena. Uto o mwa ntuku ibale, sanza ya dzomi na mibale, mobu mwa nkoto yoko nkama libwa na ntuku motoba na mwambe, mobu moye bakela komine ya Kinseso teee o moyi mwa lelo, komine ena ekabwana na bakomine isusu. Kpokoso ina inso ikosalaka 'te mokambi wa komine ya Kinseso akokaka kozwaka makoki ma bokokisi politiki ya manakama misala mya mbula-matari te, manaka ma botombwami bwa bomoi bwa bato mpe ya komine te. Nzokande, mpo ya botombwami bwa komine ya Kinseso, baikomine ena basengaki 'te mbula-matari ekoka kotonga ba balabala inene ibale « la Paix mpe Savane ». Epai esusu, esengamaki mpe 'te mosala mwa bobongisi ba nzila mikoka mpe kosalema o nzila eye ekolongwaka o komine ya Matete kino paloise Mosantu Madeleine ya komine ya Kinseso, na boleka o quartier Innocent mpe ndako ya komine ya Kinseso kino o intendance o Eteyelo ya likolo ya Kisasa (Unikin).

### Botongi balabala « la Paix » : misala mitelemu

Botongami bwa balabala « la Paix » eye ebandi o gbagga ya Matete kino o Riflard (Kinseso), mbele ntango esusu ekoki koleka o komine ya Kimbanseke kino quartier N'Djili Cecomaf, nde esali 'te kpokoso ya bokangemi bwa mituka o balabala enene Lumumba bikoka kokutwa. Nzokande, esengeli na ba milyo libwa ya misolo mya bai amerika mpo ya botongi nzila ena. Na bosungami bwa « Banque africaine de developpe-

ment » (BAD), eteni ya yambo ya misala mya botongi balabala « la Paix » bosalemaki o nzila ya kopani « SAFRIMEX » eye ezui etinda ya botongi nzila ena. Ata ko bodzengetani bwa misala mya maponomi mizalaki, Kopani SAFRIMEX esilaka kotika bisa-  
leli bya misala o balabala ena ut'o sanza ya inei mwa mobu mwa nkoto ibale na sambo o sima ya bozui misolo milyo ibale ya baïmboka amerika. Engebene na ekela ena, misala miye misengeleki kosalema ezalaki se kosopa mabele motane mpe kodzipa mapulu o

Batongi basengaki 20 mètres ya  
largeur ya nzela, lelo bazui kaka  
13 mètres, kasi pasi eza kaka



balabala « la Paix » epai esusu kotelemisa mindelo mya yango. Misala mina minso misalemaki. Kasi, mpo 'te mambi manso makoka kosalema engebene na myango mya botongi ba balabala, batongi balabala ba kopani SAFRIMEX basengaki 'te mabale ma balabala « la Paix » ekoka kozala na bolayi bwa bametele dzomi na misato o esika 'te ezala ya bametele ntuku ibale lokola esengamaki. Na bolandisamaka na bosenga bwa SAFRIMEX, ata elembo yoko ezali kolakisa te 'te misala mya botongi balabala « la Paix » nde mibandi o mikolo miye. Botelemi bwa misala mina nde bosali 'te komine ya Kinseso etikalaka ntango inso o

sima ya bakomine ntuku ibale na inei ya engumba Kisasa. Engebene na maloba ma bakambi ba kopani SAFRIMEX, ezali kpokoso te mpo ya bosali mosala mwa botongi balabala ena. « Esengeli kobuka ma ndako inso iye itongami pembeni ya nzila eye ezali ya mbula-matari », bo elobi yoko ya batongi balaba ya SAFRIMEX oyo azwamaki o balabala ena. Moko wa bai « Bureau technique de Contrôle » (BTC), yoko ya mabongisi ma Bontoma bwa mbula-matari o mambi ma Misala mpe Bisaleli eye ekopesaka misala ona ba kopani mpe akoma-

Kisasa o mambi ma myango mya misala to manaka, akosangela 'te bosenga bwa bobuki ma ndako ina bosilaki kokoma utu kala o bilo ya mbula-matari ya engumba Kisasa. « Tozali koyekola lolenge kani mosala mwango nde mosalemi », bo esemboli Jean-Claude Muisse. Nabozilaka mokano moye mosengeli kobima o ngambo ya mbula-matari ya engumba Kisasa na mpo etali bobuki to te ma ndako iye izwami pembeni ya balabala « la Paix », ezali kolakisa 'te misala mya botongi balabala ena nde midzongeli o mikolo miye te. Zambi epai esusu, bakolo mapango maye masengeli kobukama, basangani bo moto moko mpo ya bobateli nkita ya bango. Nzokande, botelemeli makanisi ma bobuki ma ndako ina bobongisami o eleko eye mosala mwa bobuki ma ndako iye itongama o bisika bilingisama te mozali kokoba lisusu te.

Kasi, mosala mwa bobuki ma ndako ina mozali mwa kpokoso te zambi bisika bya leta bakobitekaka te. Epai esusu, esengeli mpe na mbula-matari na bopesi misolo ona bato baye ma ndako ma bango izali na motango mwa ma ndako iye isengeli kobukama. Mbula-matari ya ekolo ya isato nde ezali na makoki ma bosali mosala mona, nzokande, mabongisi mana mayakisami naino te o manaka ma ye. Nabotalaka mambi manso maye mazali koleka o ngambo ya baipolitiki mpe na mpo etali mabongisi ma maponomi maye matikali o ntezi ya ba komine mpe ba territoire, ezali mwa mpasi mpo 'te misala mya botongi balabala « la Paix » midzongela o mobu moye.

Na manso, ndembo edzongi o ngambo ya bakambi ba ekolo mpo 'te bakoka kozwa mikano miye misengeli mpe mikoki kosala 'te misala mya botongi balabala « la Paix » mikoka kodzonga na lombangu.

Tshieke Bukasa